

Museum Ladin y furmazion

Dé inant l patrimone culturel nia materiel

Lenificat de vedla usanzas y cunescënzes tramandedes tla generazions manacia te nosc tēmps de jì perdudes. L Museum Ladin Ciastel de Tor fej pea l proiet interreg ECHI (Etnografie italo-svizzere) per fé tuedes de chësc patrimone nia materiel y per pudèi pona les mèter a despozision dla cumenanza.

Te na culaburazion sèura la sèida dla Talia y Svizra vèniel laurà cun la medema metodologies scientifiches. L Museum Ladin à cris ora de dediché la nrescida a Gherdëina. Nsci iel unì nciarià l etnologh y atopologh ladin Emanuel Valentin de fé n inventar dl patrimone culturel nia materiel. Si ncèria ie de tuèdo, nrescì, documenté, analisé sun l ciamp, cataloghé y nventarisé i bēns culturei nia materiei.

Nchinamò iel bele unì laurà te doi fases. N iede an tēut ca ntervistees che Oswald Rifesser y Georg Dellago ova ti ani '80 fat per Radio Gherdëina. Chèsta testimonianzes de vedla usanzas y stories de vita ie unides cataloghisedes y publiche; des tl catalogh online dl patrimone culturel dl Südtirol. Se stizan sun chēstes iel unì nvià via la segonda



Prejentà l proiet E.CHI: l diretèur dl Museum Ladin Stefan Planker, l'assessëura provinziela Sabina Kasslatter Mur y l antropologh Emanuel Valentin;

fasa de tueda. Tulan su cuntat cun jënt de Gherdëina ie cun metodologies antropologiches sistematiches unì tēut su material video, fotos y audio.

Nchin ala fin dl 2012 uniral metù

adum 10 pec video che sarà da udèi tl Museum Ladin Ciastel de Tor. L fin zentrel ie chël de realisé n inventar on-line per documenté i bēns nia materiei de dut l raion de dl'Elpes danter la Talia y la Svizra. ■